

اتوار 10 مارچ، 2019ء

مضمون۔ انسان

سنہری مستن: دانی ایل 10 باب 19 آیت

”اے پیارے مرد نہ ڈر۔ تیری سلامتی ہووے۔ مضبوط تے صحت مند ہو۔“

جوابی پڑھائی: پیدائش 1 باب 26 توں 31 آیتاں

26۔ فیر رب نے آکھیا پئی اسی انسان نوں اپنی صورت اُتے اپنی شبیہ وانگر بنائیے تے اوہ سمندر دیاں مچھلیاں تے اسمان دے پرندیاں تے چوپائیاں تے ساری دھرتی تے سب جانداراں اُتے جیہڑے دھرتی اُتے رینگدے نیں اختیار رکھن گے۔

27۔ تے رب نے انسان نوں اپنی صورت اُتے بنایا۔ رب دی صورت اُتے اوہنوں بنایا۔ نرتے ناری اوہنوں بنایا۔

28۔ رب نے اوہناں نوں برکت دتی تے آکھیا پھلو و دھوتے دھرتی نوں معمور تے محکوم کرو تے سمندر دیاں مچھلیاں تے ہوادے پرندیاں تے سارے جانور اُتے جیہڑے دھرتی اُتے ٹردے نیں اختیار رکھو۔

29 - تے رب نے آکھیا پئی ویکھو میں ساری دھرتی دیاں ساریاں بیج والیاں سبزیاں تے ہر درخت جیدے وچ اوہ بیج والا پھل ہووے تہانوں دیندا آں۔ ایہہ تہاڈے کھان لئی ہوون۔

30 - تے دھرتی دے سارے پشوؤاں لئی تے ہوادے سارے پرندیاں لئی تے اوہناں ساریاں لئی جیہڑے دھرتی اُتے ریگن والے نیں جنماں وچ جیاتی اے سارے ہرے بوٹے کھان لئی دیندا آں تے بیج ای ہوئیا۔

31 - تے رب نے سب کجھ جو بنایا سی اوہدے ول نظر کیتی تے ویکھیا پئی بوہت سوہنا اے تے شام ہوئی تے صبح ہوئی یعنی چھینواں دن ہوئیا۔

## درسی وعظ

## بائبل

1- زبور 1:8، 3 توں 6 آیتاں

1- اے خداوند ساڈے رب! تیرا ناں ساری دھرتی اُتے کیسا بزرگ اے! تو اپنا جلال اسمان اُتے قائم کیتا اے۔

3 - جدوں میں تیرے اسمان اُتے جیہڑا تیرے ہتھ دا بنیا اے تے چن تے تاریاں اُتے جنماں نوں تو مقرر کیتا اے غور کر دا آں۔

- 4- تے فیر انسان کیہ اے پئی تو اوہنوں یاد رکھیں تے آدم زاد کیہ اے پئی تو اوہدی خبر لوئیں۔
- 5- کیوں جے تو اوہنوں رب توں تھوڑا جیہا ای گھٹ بنایا اے تے جلال تے شوکت نال اوہنوں تاجدار کردا ایں۔
- 6- تو اوہنوں اپنے ہتھ دیاں بنیاں شیواں اُتے اختیار دیتا اے۔ تو سب کجھ اوہدے پیر ایٹھاں کردتا اے۔

## 2- استثنا 20 باب 1 توں 14 آیتاں

- 1- جدوں تو اپنے ویریاں نال جنگ کرن جانویں تے گھوڑیاں تے رتھاں تے اپنے توں وڈھی فوج نوں ویکھیں تے اوہناں توں ڈریں نہ کیوں جے خداوند تیرا رب جیہڑا تینوں مصر و چون کڈھ کے لیا یا تیرے نال اے۔
- 2- تے جدوں جنگ وچ تیری فوج مُٹھی برابر رہ جاوے تے کاہن فوج دے بندیاں کول جا کے اوہناں نال گل کرن۔
- 3- تے اوہناں نوں آکھے اے اسرائیلیو! تسی اج دے دن اپنے ویریاں دے سامنے جنگ وچ آئے او ایس لئی تہاڈا دل نہ ڈرے۔ تسی نہ ڈرونہ کنبو۔ نہ اوہناں توں دہشت کھاؤ۔
- 4- کیوں جے خداوند تہاڈا رب تہاڈے نال نال ٹردا اے تاں جو تہانوں بچان لئی تہاڈے ویریاں نال جنگ کرے۔

## 3- استثنا 31 باب 8 (اوہ ہووے گا) (توں):

8۔۔۔ اوہ تیرے نال رہوے گا۔ اوہ تیرے توں دستبردار نہ ہووے گا تے نہ تینوں چھڈے گا۔

#### 4۔ خروج 3 باب 1 توں 8 (توں:؛)، 11، 12، (توں:؛)، 13، 14 آیتاں

1۔ تے موسیٰ اپنے سوڑے تیز و دیاں جیہڑاں دیاں داکا ہن سی بھیدیاں بکریاں چار داسی تے اوہ بھیدیاں بکریاں نوں ہنکاندا ہونیا او جاڑ دے دو جے پاسے رب دے پہاڑ دے کول لے آیا۔

2۔ تے رب داکا فرشتہ جھاڑی وچوں اگ دے شعلے وچ اوہدے اُتے ظاہر ہونیا۔ اوہنے نظر کیتی تے اوہ دیکھدا اے پئی اک جھاڑی نوں اگ لگی اے پر اوہ سڑکے سوانسین ہندی۔

3۔ فیر موسیٰ نے آکھیا پئی میں تھوڑا دو جے پاسے ہٹ کے ایس نظارے نوں دیکھاں پئی ایہہ جھاڑی سڑدی کیوں نہیں۔

4۔ جدوں رب نے دیکھیا پئی اوہ ایہہ دیکھن لئی تھوڑا پاسے توں آرہیا اے تے رب نے جھاڑی وچوں اوہنوں آواز دتی تے آکھیا اے موسیٰ! اے موسیٰ! اوہنے آکھیا میں حاضر آں۔

5۔ فیر اوہنے آکھیا ایدھر کول نہ آئیں۔ اپنے پیروں جتھی لادے کیوں جے جیس تھاں اُتے تو کھڑا ایں اوہ پاک دھرتی اے۔

6۔ فیر اوہنے آکھیا پئی میں تیرے پو دارب یعنی ابراہام دارب تے اسحاق دارب تے یعقوب دارب آں۔ موسیٰ نے اپنا مونہہ لکھو نیا کیوں جے اوہ رب ول نظر کرن توں ڈر داسی۔

7۔ تے رب نے آکھیا پئی میں اپنے لوکوں دی پیڑ جیہڑے مصر وچ رہندے نیں دیکھی اے تے اوہناں دی فریاد جیہڑے ریگاری لین والیاں دے پاروں اے سنی اے تے میں اوہناں دیاں پیڑاں نوں جان دا آں۔

بائبل دا ایہہ سبق پلین فیلڈ کرچن چرچ، آزادولوں تیار ہویا اے۔ ایہہ کنگ جیمز بائبل دیاں آیتاں تے میسری سیکریٹری دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیا اے۔

8- تے میں اتریا آں پئی اوہناں نوں مصریاں دے ہتھ وچوں چھڑا نوں تے اوس ملک وچوں کڈھ کے اوہناں نوں اک چنگے تے کھلے ملک وچ جتھے ڈدھ تے شہد وگدا اے یعنی کعنائیاں تے حتیاں تے اموریاں تے فرزیاں تے حوائیاں تے یوسیاں دے ملک وچ اڑا نوں۔

11- موسیٰ نے رب نوں آکھیا پئی میں کون آں جیہڑا فرعون دے کول جانواں تے اسرائیلی قوم نوں مصر وچوں کڈھ کے لیا نوں؟

12- اوہنے آکھیا میں ضرور تیرے نال رہواں گاتے میں تینوں گھلیا اے ایہدا نشان ایہہ ہووے گا پئی جدوں تُو اوہناں لوکاں نوں مصر وچوں کڈھ کے لیا نوں گاتے تسی ایس پہاڑ اُتے رب دی عبادت کرو گے۔

13- تد موسیٰ نے رب نوں آکھیا جدوں میں اسرائیلی قوم دے کول جا کے آکھاں پئی تہاڈے پودا دے دے رب نے مینوں تہاڈے کول گھلیا اے تے اوہ مینوں آکھن پئی اوہدا کیہ ناں اے؟ تے میں اوہناں نوں کیہ دساں؟

14- رب نے موسیٰ نوں آکھیا میں جو آں سو میں آں۔ ایس لئی تُو اسرائیلی قوم نوں آکھیں پئی میں جو آں نے مینوں تہاڈے کول گھلیا اے۔

## 5- زبور 5:1 توں 11، 3 (ساریاں نوں)، 12 آیتاں

1- اے رب! میریاں گلاں ول کن دھر! میریاں ہانواں اُتے دھیان کر!

2- اے میرے بادشاہ! اے میرے رب! میری فریاد دی آواز ول دھیان کر کیوں جے میں تیتھوں ای دعا کردا آں۔

3- اے رب! تو صبح نوں میری آواز سنیں گا۔ میں سویرے ای تیتھوں دعا کر کے اڈیکاں گا۔

- 11- پراوہ سارے جیہڑے تیرے اُتے بھروسہ کر دے نیں شادمان ہوون۔ اوہ ہمیشہ خوش نال پکارن کیوں جے تو اوہناں دی حمایت کردا ایں تے جیہڑے تیرے نال نال پیار کر دے نیں اوہ تیرے وچ خوش رہن۔
- 12- کیوں جے تُو صادق نوں برکت دیویں گا۔ اے رب اُتو اوہنوں کرم نال سپروانگر ڈھک لویں گا۔

## 6- لوقا 4 باب 15، 14، 33 توں 36 آیتاں

- 14- فیرویسوع روح دی قوت نال بھریا ہو گیا گلیل وچ پرت کے آیاتے چاروں پاسے اوہدی دھم مچ گئی۔
- 15- تے اوہ اوہناں دے عبادتخانے وچ تعلیم دیندا رہیا تے سارے اوہدی وڈیائی کر دے رہے۔
- 33- تے عبادتخانے وچ اک بندہ سی جیدے وچ ناپاک دیودی اک روح سی اوہ بوہت اُچی آواز نال بولیا پئی۔
- 34- اے یسوع ناصرہ ساہنوں تیرے نال کیہ کم؟ کیہ تو ساہنوں ہلاک کرن لئی آیا ایں؟ میں تینوں جان دا آں پئی تو کون ایں۔ رب دا قدوس۔
- 35- یسوع نے اوہنوں جھڑک کے آکھیا چُپ رہ تے اوہدے وچوں نکل جا۔ تے بدروح اوہدے اندروں اوہنوں مروڑ کے کجھ نقصان پہنچائے بغیر نکل گئی۔
- 36- تے سارے حیران ہو کے آپس وچ آکھن لگ پئے پئی ایہہ کینویں دا کلام اے؟ کیوں جے اوہ اختیار تے قدرت نال ناپاک روحاں نوں محکم دیندا اے تے اوہ نکل جانداں نیں۔

## 7- لوقا 7 باب 12 توں 15 آیتاں

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکریٹری دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

- 12- جدوں اوہ شہر دے پھاٹک دے نیڑے پہنچیا تے ویکھو اک مردے نوں باہر لے جایا جا رہیا سی۔ اوہ اپنی ماں دا کلا ای پتر سی تے اوہ بیوہ سی تے شہر دے ہتھیرے لوک اوہ دے نال سی۔
- 13- اوہنوں ویکھ کے رب نوں ترس آیا تے اوہنوں آکھیا پئی نہ رو۔
- 14- فیر اوہنے کول آکے جنازے نوں چھوٹیا تے چکن والے رک گئے تے اوہنے آکھیا اے جوان میں تینوں آکھداں پئی اٹھ۔
- 15- اوہ مردہ اٹھ گیا تے بولن لگ پیا تے اوہنے اوہنوں اوہدی ماں دے حوالے کر دتا۔

## 8- رومیوں 8 باب 35، 31، 37 توں 39 آیتاں

- 31- ایس لئی اسی ایہناں گلاں دے بارے کیہ آکھئے؟ جے رب ساڈے ول اے تے ساڈے خلاف کون ہووے؟
- 35- کون ساہنوں مسیح دے پیار توں وکھ کرے گا؟ مصیبت یا تنگی یا ظلم یا کال یا ننگا پن یا خطرہ یا تلوار؟
- 37- پراوہناں ساریاں حالتاں وچ اوہدے راہیں جنسے ساہنوں پیار کیتا ساہنوں فتح توں ودھ کے غلبہ حاصل ہندا اے۔
- 38- کیوں جے مینوں یقین اے پئی رب داپیار ساڈے رب مسیح یسوع وچ اے اوہدے توں ساہنوں نہ موت وکھ کر سکے گی نہ حیاتی۔

39۔ نہ فرشتے نہ حکومتاں۔ نہ ہن دیاں نہ آؤن والیاں شیواں۔ نہ قدرت نہ اُچیاں نہ ڈونگیاں نہ کوئی ہور مخلوق۔

## سائس تے صحت

1- 21-19:516

انسان، اوہدی شبیہ اُتے بنائے جان نال پوری دھرتی اُتے رب دی حاکمیت دا پرچھانواں بن داتے ملکیت رکھدا اے۔

2- 30-26:307

انسان نوں مادیت دیاں بنیاداں اُتے نہیں بنایا گیا تے نہ ای مادی قانوناں دی فرمانبرداری لئی بنایا گیا جیہڑے روح نے کدی نہیں بنائے؛ اوہدا صوبہ سیان دی بوہت اُچی شریعت وچ، روحانی قانون نہیں۔

3- 7:475، 13-14، 15(توں؛)، 19(پئی جیدے وچ نہیں اے)۔ 22

پاک کلام ساہنوں ایہہ گل دس دا اے پئی انسان رب دی شبیہ تے صورت اُتے بنایا گیا اے۔ ایہہ مادے دی شبیہ نہیں

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائس دی درسی کتاب، ”سائس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔



اے۔ روح دی شبیہ ایہنی غیر روحانی نہیں ہو سکدی۔ انسان روحانی تے کامل اے؛ تے کیوں جے اوہ روحانی تے کامل اے ایس لئی اوہنوں کر سچ سائنس وچ اتخ ای سمجھیا جانا چاہیدا اے۔۔۔ اوہ رب دا تفصیلی تصور اے، جیدے وچ سارے ٹھیک خیال شامل نہیں۔۔۔ اوہ جیدے وچ اجی کوئی خصوصیت نہیں جیہڑی خدائی نال ماخذ نہ ہووے؛ اجی خاصیت جیدے وچ نہ حیاتی ہووے نہ عقل، نہ اپنی تخلیقی طاقت ہووے، بلکہ روحانی طور تے اوہ اوہناں ساریاں شیواں دا پرچھانواں بن دا اے جیہڑیاں اوہدے خالق وچ نہیں۔

4- 18-14:373

بیماری دا ڈرتے پاپ نال پیار انسان دی غلامی دے وسیلے نہیں۔ ”رب دا ڈر سیان دا شروع اے“، پر کلام وی یوحنا دی اچی سوچ دے راہیں ایہہ واضح کر دا اے، ”کامل پیار ڈرنوں دور کر دیندا اے۔“

5- 21-15:380

ڈردے جسمانی اثر ایہدی فریب نظری نوں ظاہر کر دے نہیں۔ زنجیراں وچ بندھے ہوئے، موڈے مونہہ پئے ہوئے شیر نوں گھورن توں انسان نوں ڈرنا نہیں چاہیدا۔ جسم بس اوس بیماری اُتے یقین کرن نال اثر لیندا اے جیہڑی بیماری نوں قابو کرن والی سچائی دے نال لا تعلق دے پاروں لگدی اے۔ سچائی دی اوہ طاقت جیہڑی غلطی اُتے انسان دی حاکمیت نوں ثابت کر دی اے اوہدے علاوہ غلطی کرن دے ڈرنوں کوئی شے دور نہیں کر سکدی۔

6- 21-381:8

جدوں کسے فرضی قانون دی خلاف ورزی ہندی اے تے تسی آکھدے او پئی ایسہدے وچ خطرہ اے۔ ایہہ ڈرای اصل خطرہ اے تے جسمانی اثر اول دھیان کردا اے۔ اسی اخلاقی یاروحانی قانون دے ٹٹن توں علاوہ اصل وچ کسے ہو رشے دے ٹٹن نال پیر محسوس نہیں کر سکدے۔ فانی یقین دے قانون ایہہ سمجھن نال خراب ہندے نیں پئی روح غیر فانی اے، تے ایہہ پئی فانی سوچ ویلے، دوران تے بیماریاں دیاں قسماں لئی قانون نہیں بنا سکدی، جیدے نال فانی لوگ مر جاندے نیں۔ رب قانون بناؤن والا اے، پر اوہ غلط طراں دے اصول بناؤن والا لکھاری نہیں اے۔ ازلی حیاتی تے پیار وچ کوئی بیماری پاپ نہیں نہ ای موت اے تے پاک کلام واضح کردا اے پئی اسی ازلی رب وچ جیوندے، تے دے پھر دے تے اپنا وجود رکھدے آں۔

فانی سوچ نوں نافذ کرن اُتے گھٹ غور کریئے تے تسی چھیتی نال ای انسان نوں رب دی دتی ہوئی حکومت وچ ہوو گے۔

7- 151:17-24، 26-30

فانی عقیدہ آکھد اے پئی موت ڈرنال آؤندی اے۔ ڈر کدی اپنے آپ دے ہون تے اپنے کماں توں نہیں رُکدا۔ لہو، دل، پھیپھریاں وغیرہ داحیاتی، یعنی رب نال کوئی تعلق نہیں اے۔ اصل انسان داہر کم الہی سیان دی رکھوالی وچ اے۔ انسان دی سوچ قتل کرن یا علاج کرن دی کوئی طاقت نہیں رکھدی، تے ایسہد اے بندے اُتے کوئی اختیار نہیں اے۔ اوہ الہی سیان جنہے انسان نوں بنایا اپنی صورت تے شبیہ نوں قائم رکھدا اے۔۔۔ جیہڑا وجود رکھدا اے اوہ بس الہی سیان تے اوہد اخیال اے، ایسے سیان وچ ساری ہستی ہم ساز تے ابدی ہندی اے۔ سدھایا تنگ راستہ ایس سچائی نوں ویکھن تے منن، ایس طاقت نوں منن تے سچائی دی راہ اُتے تَرن لئی اے۔

بائبل دا ایہہ سبق پلین فیلڈ کرچن پرچ، آزادولوں تیار ہویا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کئی دے نال“، وچوں لیاں ہوئیاں لازمی تحریراں نال بنیاں۔

## 8- 1-31،25-18:385

جے تہاڈے پٹھے وچ موج اے یا جسم اُتے زخم اے تے ایسا اچھیتی نال علاج ہندا اے۔ ذہن ایسا فیصلہ کردا اے پئی جسم داغ، پیڑ، سوجھتے ساڑ محسوس کرے گا یا نہیں۔

تسی آکھدے او پئی تسی شاید پوری نیند نہیں سٹے یا بوہتا کھانا کھا بیٹھے او۔ تسی اپنے آپ وچ اپنے لئی اک قانون او۔ ایہہ آکھن نال تسی اپنے ڈرتے یقین دے تناسب وچ پیڑ سہو وگے۔

کسے اک عاقل دے طور تے تہاڈے جسم یا سست مادے ولوں آؤن والی فرضی معلومات فانی سوج دی فریب نظری اے، ایہہ اوہدے سفنیاں وچوں اک اے۔

## 9- 15-12:386

لکھاری نے بوہت ساریاں مثالوں وچ فانی سوج اُتے سچائی دے کم دے راہیں تے جسم اُتے سچائی دے اثر اں دے راہیں بیماری نوں شفا دتی، ایہہ جانن توں بغیر پئی ایہہ اتخ دا اے۔

## 10- 23:387 (اک)-24،27-32

بائبل دا ایہہ سبق پلین فیلڈ کرچن چرچ، آزادولوں تیار ہویا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کئی دے نال“ وچوں لیاں ہوئیاں لازمی تفسیراں نال بنیا اے۔

-- پیار دی کسے وی محنت دے پاروں کوئی بندہ دکھ نہیں سہندا، بلکہ ایہدے راہیں اوہ مضبوط ہندا اے۔

مسیحت دی تاریخ اوس اسمانی پیو، قاد مطلق سیان، دے دتے ہوئے اثراں تے حفاظت کرن والی طاقت دے شاندار ثبوتوں سمانے لیاؤندی اے جیہڑا انسان نوں ایمان تے سمجھ دیندا اے جیدے نال اوہ اپنے آپ نوں بچا سکدا اے نہ صرف آزمائش توں بلکہ جسمانی دکھاں تووی۔

11- 4:200-7

موسیٰ نے اک قوم نوں مادے دی بجائے رب دی عبادت وچ اگے ودھایا تے لافانی سوچ دے راہیں بابرکت ہوون دیاں اچیاں انسانی حیثیتاں نوں دسیا۔

12- 89:18-20

سیان لازمی گل نہیں پئی تعلیمی مرحلیاں اُتے انحصار کرے۔ ایہہ آپ ای سارا سوہنا پن تے شاعری تے ایہناں نوں ظاہر کرن دی طاقت رکھدا اے۔

13- 128:7 (کاروبار)۔19

-- تاجراں تے چنگے عالماں نے ویکھیا پئی کر سچن سائنس اوہناں دی برداشت تے ذہنی طاقتاں نوں ودھاؤندی اے، اوہناں دے کردار دی سوچ نوں کھلا کر دی اے، اوہناں نوں عقل تے سمجھ تے اپنی عام گنجائش نوں ودھاؤں دی صلاحیت دیندی اے۔ انسانی سوچ روحانی سمجھ نال بھر کے ہو ر لچکدار ہو جاندی اے، ایہہ بوہت برداشت تے کسے حد تیکر اپنے آپ توں فرار ہو جان دے قابل ہو جاندی اے تے گھٹ آرام پسند کر دی اے۔ ہستی دی سائنس دا علم انسان دی قابلیت دے فن تے امکاناں نوں ودھاؤندی اے۔ فانی لوکاں نوں اچی تے کھلی ریاست تیکر اڑاندے ہوئے ایہہ سوچ دے ماحول نوں ودھاؤندی اے۔ ایہہ سوچن والے نوں اوہدی سمجھ تے عقل دی ہوا وچ وڈھا کر دالے۔

14- 19-14:302

انسان دے بارے ساڈی تشریح نوں جاری رکھدیاں ہوئے آؤ یاد کرئیے پئی ہم سازتے غیر فانی انسان ہمیشہ توں ہے اے تے مادے دے طور تے وجود رکھدیاں ہوئے کسے فانی حیاتی، جوہر تے ذہانت نال ہمیشہ اچا تے پار ہندا اے۔ ایہہ بیان سچیاں دا بیان اے نہ کہ کوئی افسانہ اے۔

15- 16-11:228

انسان دی غلامی ٹھیک نہیں اے۔ ایہہ اوس ویلے تک جاوے گی جدوں انسان اپنی آزادی دی وراثت، مادی حواس اُتے اپنی رب ولوں دتی ہوئی حاکمیت وچ وڑھ جاندا اے۔ فانی لوک اک دن قادر مطلق دے ناں اُتے اپنی آزادی داد عویٰ کرن گے۔ فیر اوہ الہی سائنس دی سمجھ دے راہیں اپنے آپ دے جساماں نوں قابو کرن گے۔

بائبل دا ایہہ سبق پلین فیلڈ کرچن پرچ، آزاد ولوں تیار ہویا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

## 16- 200:9-15 (دو جے تیکر)

حیاتی ہمیشہ مادے توں آزاد سی، ہے تے ہمیشہ رہوے گی، کیوں جے حیاتی رب اے تے انسان رب دا تصور اے، جنہوں مادے نہیں بلکہ روحانی طور تے بنایا گیا سی، تے اوہدے لئی فنا ہوون یا تباہ ہوون دی شرط نہیں اے۔ زبور دے لکھاری نے آکھیا: ”تو اوہنوں اپنے ہتھ دیاں بنیاں شیواں اُتے اختیار دیتا اے۔ تو سب کجھ اوہدے پیر ایٹھاں کر دیتا اے۔“

## روزانہ دے فرض

میری بیکر ایڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوسٹیل، آر ٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کرداے، تے اک مسیحی سائنسدان پاپ نوں رد کردیاں ہوئے، سٹیجی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دااے۔ ایس چرچ دے سارے رکنان نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوسٹیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور وار ہووے گا۔

چرچ مینوسٹیل، آرٹیکل VIII، سیکشن 6۔